

**FRAMKVÆMDARÁKVÖRÐUN FRAMKVÆMDASTJÓRNARINNAR
(ESB) 2015/887****2016/EES/44/41****frá 9. júní 2015**

um viðurkenningu á áætluninni Scottish Quality Farm Assured Combinable Crops Limited til að sýna fram á að viðmiðunum um sjálfbærni samkvæmt tilskipunum Evrópuþingsins og ráðsins 98/70/EB og 2009/28/EB hafi verið fylgt og um niðurfellingu á framkvæmdarákvörðun framkvæmdastjórnarinnar 2012/427/ESB (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 98/70/EB frá 13. október 1998 um gæði bensins og díseleldsneytis og breytingu á tilskipun ráðsins 93/12/EBE ⁽¹⁾, einkum 6. mgr. 7. gr. c,

með hliðsjón af tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB ⁽²⁾, einkum 6. mgr. 18. gr.,

að höfðu samráði við nefndina um sjálfbærni lífoldsneytis og fljótandi lífoldsneytis,

og að teknu tilliti til eftirfarandi:

- 1) Mælt er fyrir um viðmiðanir um sjálfbærni fyrir lífoldsneyti bæði í tilskipun 98/70/EB og 2009/28/EB. Ákvæði 7. gr. b og 7. gr. c í tilskipun 98/70/EB og í IV. viðauka við hana eru svipuð ákvæðum 17. og 18. gr. í tilskipun 2009/28/EB og í V. viðauka við hana.
- 2) Þegar telja skal lífoldsneyti og fljótandi lífoldsneyti með, að því er a-, b- og c-lið 1. mgr. 17. gr. tilskipunar 2009/28/EB varðar, ættu aðildarríkin að krefjast þess að rekstraraðilar sýni að viðmiðanirnar um sjálfbærni fyrir lífoldsneyti og fljótandi lífoldsneyti, sem settar eru fram í 2.–5. mgr. 17. gr. í tilskipun 2009/28/EB, hafi verið uppfylltar.
- 3) Framkvæmdastjórnin getur ákveðið að valfrjáls landsbundin eða alþjóðleg áætlun skuli sýna að lífoldsneytissendingar uppfylli viðmiðanir um sjálfbærni, sem eru settar fram í 3.–5. mgr. 17. gr. tilskipunar 2009/28/EB, eða að valfrjáls landsbundin eða alþjóðleg áætlun um mælingar á minnkun losunar gróðurhúsalofttegunda innihaldi nákvæm gögn að því er 2. mgr. 17. gr. þeirrar tilskipunar varðar.
- 4) Þegar rekstraraðili leggur fram sannanir eða gögn, sem aflað er í samræmi við valfrjálsa áætlun sem framkvæmdastjórnin hefur viðurkennt, að því marki sem þau falla undir þá ákvörðun um viðurkenningu, ætti aðildarríki ekki krefjast þess að birgir leggi fram frekari gögn sem sýna fram á að viðmiðanirnar um sjálfbærni hafi verið uppfylltar.
- 5) Áætlunin „Scottish Quality Farm Assured Combinable Crops Limited“ var viðurkennd með framkvæmdarákvörðun framkvæmdastjórnarinnar 2012/427/ESB ⁽³⁾ að því er varðar nokkrar tilgreindar nytjaplöntur. Hinn 30. júní 2014 var lögð fram beiðni til framkvæmdastjórnarinnar um að viðurkenna aukinn fjölda nytjaplantna í áætluninni. Uppfærða áætlunin nær til allra kornvara og olíufræja sem framleidd eru á norðanverðu Stóra-Bretlandi að fyrsta afhendingarstað þessara nytjaplantna. Gera ætti viðurkenndu áætlunina aðgengilega á gagnsæisvettvanginum sem var komið á fót samkvæmt tilskipun 2009/28/EB.

(*) Þessi ESB-gerð birtist í Stjtið. ESB L 144, 10.6.2015, bls. 17. Hennar var getið í ákvörðun sameiginlegu EES-nefndarinnar nr. 26/2016 frá 5. febrúar 2016 um breytingu á II. viðauka (Tæknilegar reglugerðir, staðlar, prófanir og vottun) og IV. viðauka (Orka) við EES-samninginn, biður birtingar.

⁽¹⁾ Stjtið. ESB L 350, 28.12.1998, bls. 58.

⁽²⁾ Stjtið. ESB L 140, 5.6.2009, bls. 16.

⁽³⁾ Framkvæmdarákvörðun framkvæmdastjórnarinnar 2012/427/ESB frá 24. júlí 2012 um viðurkenningu á áætluninni „Scottish Quality Farm Assured Combinable Crops Limited“ til að sýna fram á að viðmiðunum um sjálfbærni samkvæmt tilskipunum Evrópuþingsins og ráðsins 98/70/EB og 2009/28/EB hafi verið fylgt (Stjtið. ESB L 198, 25.7.2012, bls. 17).

- 6) Mat á áætluninni „Scottish Quality Farm Assured Combinable Crops Limited“ sýndi að hún tekur með fullnægjandi hætti til viðmiðana um sjálfbærni, sem settar eru fram í 7. gr. b (3., 4. og 5. mgr.) í tilskipun 98/70/EB og 17. gr. (3., 4. og 5. mgr.) í tilskipun 2009/28/EB, auk þess sem beitt er massajöfnuðaraðferð í samræmi við kröfur í 7. gr. c (1. mgr.) í tilskipun 98/70/EB og 18. gr. (1. mgr.) í tilskipun 2009/28/EB að fyrsta afhendingarstað þessara nytjaplantna. Með áætluninni eru veitt nákvæm gögn varðandi tvo þætti sem nauðsynlegir eru að því er varðar 2. mgr. 7. gr. b í tilskipun 98/70/EB og 2. mgr. 17. gr. í tilskipun 2009/28/EB, þ.e. landfræðilega svæðið sem nytjaplönturnar koma frá og losun, á ársgrundvelli, vegna breytinga á kolefnisbirgðum vegna breytinga á landnýtingu. Viðmiðanir um sjálfbærni taka ekki til hluta af landi lítills hluta meðlima í áætluninni. Í meðlimaskrá gagnagrunns áætlunarinnar á vefnum er tilgreint hvort farið er að viðmiðunum á landi meðlima hennar, að hluta eða að fullu, og sýnt hvort sendingar uppfylli viðmiðanirnar í „Scottish Quality Crops“ vegabréfinu.
- 7) Við mat á áætluninni „Scottish Quality Farm Assured Combinable Crops Limited“ reyndist hún uppfylla viðeigandi staðla um áreiðanleika, gagnsæi og óháða endurskoðun.
- 8) Aðrir viðbótarþættir um sjálfbærni sem áætlunin „Scottish Quality Farm Assured Combinable Crops Limited“ nær til eru ekki hluti af umfjöllunarefni þessarar ákvörðunar. Þessir viðbótarþættir um sjálfbærni eru ekki skyldubundnir til að sýna fram á að farið sé að kröfum um sjálfbærni sem settar eru fram í tilskipun 98/70/EB og 2009/28/EB.
- 9) Þess vegna ætti að fella úr gildi framkvæmdarákvörðun 2012/427/ESB um að viðurkenna áætlunina með takmarkaðri fjölda af nytjaplöntum.
- 10) Ráðstafanirnar, sem kveðið er á um í þessari ákvörðun, eru í samræmi við álit nefndarinnar um sjálfbærni lífoldsneytis og fljótandi lífoldsneytis.

SAMBÝKKT ÁKVÖRÐUN ÞESSA:

1. gr.

Í valfrjálsu áætluninni „Scottish Quality Farm Assured Combinable Crops Limited“ (hér á eftir nefnd „áætlunin“), sem lögð var fyrir framkvæmdastjórnina 30. júní 2014 til viðurkenningar á auknum fjölda nytjaplantna, er sýnt fram á með „Scottish Quality Crops“-vegabréfinu að sendingar hræfna uppfylla viðmiðanirnar um sjálfbærni sem settar eru fram í 3., 4. og 5. mgr. 17. gr. tilskipunar 2009/28/EB og í 3., 4. og 5. mgr. 7. gr. b í tilskipun 98/70/EB.

Í áætluninni felast nákvæm gögn með hliðsjón af 17. gr. (2. mgr.) tilskipunar 2009/28/EB og 7. gr. b (2. mgr.) í tilskipun 98/70/EB að því er varðar losun, á ársgrundvelli, vegna breytinga á kolefnisbirgðum vegna breytinga á landnýtingu (e_t), sem um getur í 1. lið í C-hluta IV. viðauka við tilskipun 98/70/EB og 1. lið í C-hluta V. viðauka við tilskipun 2009/28/EB, sem sýnt er fram á að jafngildi núlli, og að því er snertir landfræðilega svæðið sem um getur í 6. lið í C-hluta IV. viðauka við tilskipun 98/70/EB og 6. lið í C-hluta V. viðauka við tilskipun 2009/28/EB.

Heimilt er að nota áætlunina að fyrsta afhendingarstað fyrir viðkomandi sendingar til að sýna fram á að ákvæði 1. mgr. 7. gr. c í tilskipun 98/70/EB og 1. mgr. 18. gr. tilskipunar 2009/28/EB hafi verið uppfyllt.

2. gr.

Ákvörðunin gildir í fimm ár eftir að hún öðlast gildi. Ef gerðar eru breytingar á efni áætlunarinnar, eftir samþykkt á þessari ákvörðun, sem kunna að hafa áhrif á grundvöll þessarar ákvörðunar, skal tilkynna framkvæmdastjórninni um breytingarnar án tafar. Framkvæmdastjórnin leggur mat á tilkynntar breytingar með það fyrir augum að ákvarða hvort áætlunin taki enn með fullnægjandi hætti til viðmiðana um sjálfbærni sem liggja að baki viðurkenningu hennar.

Ef sýnt hefur verið fram á það með skýrum hætti að áætlunin hafi ekki komið til framkvæmda þáttum sem hafa afgerandi þýðingu fyrir þessa ákvörðun og ef alvarlegt rof hefur orðið í uppbyggingu þessara þátta getur framkvæmdastjórnin fellt þessa ákvörðun úr gildi.

3. gr.

Ákvörðun 2012/427/ESB er felld úr gildi.

4. gr.

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 9. júní 2015.

Fyrir hönd framkvæmdastjórnarinnar,

Jean-Claude JUNCKER

forseti.
